



## Terenga 4: Hōtaka 16 - rite/kotahi

### He Mihi

Rāmemene mai, e kō mā ki te kuititanga o ngā manako kia ora te reo Māori i a tātou. Ka pērā, ki te kōrerotia, nō reira kāore i kō atu i tērā whāinga hei whakaaro mātāmua mō tātou.

### Hei Mahi Whakarongo

I te tau rua mano tekau mā rua, ka tū te pō whakanui i te hunga kua whakapeto ngoi i roto i ngā mahi toi. Ka whakawhiwhia ki a Tīmoti tētehi o aua tohu. I a tātou e mātakitaki ana i te kiriata poto o te rā, anei ngā pātai hei whakautu mā koutou:

1. He aha te tohu i whakawhiwhia ai ki a Tīmoti?
2. Ko wai mā ētehi i whakawhiwhia ki ēnei tohu i ngā tau o mua?
3. He kaupapa toi ngā mahi a te tohunga, hei tā Pou?

### He Whakamārama

He aha te hapa i roto i tēnei rerenga?

*I whakanuia te hunga whiwhi tohu i te wā ōrite.*

Tirohia te rerenga tika:

*I whakanuia te hunga whiwhi tohu i te wā **kotahi**.*

E rua ngā kupu Māori rerekē e hāngai ana ki te kupu 'same' i te reo Pākehā.

**ōrite** = same, equivalent, identical

**kotahi** = same, at once, single

E mōhio ai ko tēhea te kupu hei whakamahi māu, whakaarohia te tokomaha o ngā tāngata, te maha rānei o ngā mea rerekē e kōrerohia ana. Mehemea kotahi te mea, whakamahia te kupu 'kotahi'. Mehemea e rua, he nui ake rānei, ngā mea, whakamahia te kupu 'ōrite'.

1. E taraiwa ana māua i te waka **ōrite**. (e rua ngā waka rerekē, engari he rite te momo)
2. E taraiwa ana māua i te waka **kotahi**. (kotahi te waka e taraiwahia ana e rāua tahi)
3. He māmā kē tōna, he māmā kē tōku, engari **kotahi** te pāpā. (e rua ngā tamariki, kotahi te pāpā) \*he ōrite te pāpā **x**

### Hei Mahi

**Whakakāia ngā āputa:**

1. Kei te huarahi \_\_\_\_\_ (ōrite/kotahi) o māua whare.
2. I haere māua ki te kura \_\_\_\_\_ (ōrite/kotahi).
3. He \_\_\_\_\_ (ōrite/kotahi) tōku whakaaro ki tōu.

**Whakamāoritia ēnei rerenga:**

1. We arrived at the same time.
2. We're wearing the same jackets.

### Whakautu:

1. kotahi
2. kotahi
3. ōrite
4. I tae mai māua i te wā kotahi.
5. E mau ana tāua/māua i ngā koti ōrite.